

**ԴԻՎԱՆԱԳԻՏԱԿԱՆ «ՓՆՏՐՏՈՒՔՆԵՐԸ» ԴԱՇՆԱԿՑՈՒԹՅԱՆ  
ԵՎ ԲՈԼՇԵՎԻԿՆԵՐԻ ՄԻՋԵՎ 1918Թ.**

**ՄՇԵՐ ՀՈՎՀԱՆՆԻՍՅԱՆ**

Խորհրդային տարիներին անաչառ ուսումնասիրության շնորհիվ բազմաթիվ հարցերի կողքին իր ուրույն տեղն է զբաղեցնում նաև 1917-1918թթ. ընթացքում Դաշնակցության և բոլշևիկների միջև տեղի ունեցած հարաբերությունների պատմությունը: Այդ բացը լրացնելու համար առավել բան դրական պայմաններ ստեղծվեցին Հայաստանի Հանրապետության անկախությունից հետո, երբ նախկինում քողարկված շատ արխիվային նյութեր հասու դարձան ուսումնասիրողների համար: Վերոհիշյալ թեմայից առանձնացնենք երկու քաղաքական ուժերի ներկայացուցիչների միջև Մոսկվայում և Բեռլինում 1918թ. տեղի ունեցած բանակցությունների պատմությունը, որն էլ կփորձենք հնարավորինս ամբողջական ներկայացնել:

Մոսկվայի բանակցությունների «մեկնարկը տրվում է» ոչ թե Մոսկվայում, այլ Ս. Պետերբուրգում՝ հոկտեմբերյան հեղափոխությունից անմիջապես հետո: Սակայն մինչ այդ հայության ինքնապաշտպանության հարցերի շուրջ Դաշնակցությունը բանակցություններ էր սկսել նաև Ռուսաստանի ժամանակավոր կառավարության հետ, որի տապալումից հետո դաշնակցականներ Լ. Նազարյանցը և Հ. Ջավրիկը համանման բովանդակությամբ բանակցություններ են սկսում արդեն բոլշևիկյան կառավարության ներկայացուցիչների՝ մասնավորապես Լ. Տրոցկու հետ: [1] Դրան զուգահեռ կողմերի միջև համագործակցության նշույլներ էին երևում Բրեստ-Լիտովսկում ընթացող բանակցություններին Հայկական հարցը պատշաճ ներկայացնելու գործում. « Երբ խորհրդային իշխանությունը առաջին անգամ պատվիրակություն կողարկէր հոն, - հիշում է Լ. Նազարյանցը, - նկատի ունենալով, որ հայկական հարցն այլ քննութեան առարկայ պիտի լինէր, Վահան Տէրեանը, իբրև հայ, նույնպէս առնուեցաւ այդ պատվիրակութեան մէջ: Տէրեանը դիմեց մեզ՝ խնդրելով տալ իրեն պէտք եղած նիւթերը և ցուցումները...»: [2] Բրեստ-Լիտովսկի բանակցությունների հետ կապված Դաշնակցության հույսերը չարդարացան և խորհրդային պատվիրակությունը ստորագրեց մի պայմանագիր, որը չէր բխում հայության շահերից: Հասկանալով բոլշևիկյան կառավարության բույլ տված «սխալը»՝ Լ. Տրոցկին ոչ այնքան քողարկում էր, որքան փորձում էր արդարանալ. «Այո», ընկեր Լ., դժբախտաբար ամէն ինչ այնպէս չի կարգադրուի, ինչպէս որ մարդ կը փափագի: Ես ինքզինքս կը դնեմ ձեր դրութեան մէջ. Բրեստի դաշնագիրը դժբախտութիւն մըն է ձեր ժողովուրդին համար, ու ես երջանիկ եմ, որ ինձի չվիճակեցաւ ստորագրել այն: Հաւատացէք, որ ես միշտ պատրաստ եմ օգնելու ձեզ, ինչով որ կարող եմ»: [3] Բրեստ-Լիտովսկի հաշտության պայմանագրի կնքումից հետո Դաշնակցության Թիֆլիսի թևը ավելի գերմանամետ կողմնորոշում է բռնում և փորձում ստանալ կայսրության օժանդակությունը: Ինչևիցե, Լ. Նազարյանցը, որը, դատելով իր իսկ խոսքերից, նախընտրել էր Տրոցկու միջոցով լուծել բոլոր



խնդիրները, հենց վերջինիս հետ էլ 1918թ. սկզբին տեղափոխվում է Մոսկվա:[4] Այստեղ է, որ 1918թ. գարնանը՝ հավանաբար մարտին,[5] Լ. Նազարյանը հայկական շրջանները բուրքական գորբերից պաշտպանելու նպատակով փորձում է Խորհրդային Ռուսաստանի կառավարությունից բոլշևիկների համար իսկական պատուհաս դարձած մոտ 45.000-ոց չեխոսլովական զորագունդը Ռուսաստանից Անդրկովկաս տեղափոխելու բոլշևիկություն ստանալ, որում Լ. Տրոցկին իր պատիվ «օժանդակությունն» էր ցուցաբերում: [6] Լ. Նազարյանը նշում է, որ Տրոցկու հետ չեխերի հարցի շուրջ բանակցելուց մի քանի օր հետո մեկնել է Բեռլին: Համաձայն արխիվային մի փաստաթղթի՝ Լ. Նազարյանը Բեռլին է ուղևորվել 1918թ. ապրիլի 7-ին:[7] Ստացվում է, որ չեխերի հարցը քննարկվել է մարտի վերջերին: 1918թ. մարտի 26-ին Չեխոսլովակիայի, Ֆրանսիայի և Խորհրդային Ռուսաստանի միջև համաձայնություն է կնքվել այս հարցի կապակցությամբ ու որոշվել չեխական զինված ուժերը Վլադիվաստոկով տեղափոխել ֆրանս-գերմանական ճակատ: [8] Այն հանգամանքը, որ բոլշևիկյան ղեկավարությունը այդ բազմահազարանոց զորաբանակը բաժանում է 4 մասի և իրարից բավականին մեծ հեռավորության վրա պահելով փորձում է նրանց «եվրոպական Ռուսաստանը» շրջանցող արևելյան ճանապարհով ֆրանս-գերմանական ճակատ «հասցնել» [9] խտտում է այն մասին, որ բոլշևիկներին ամենաշատը հուզում էր այդ «ժամանակավոր դաշնակիցներին»՝ հնարավորինս արագ ու անարգել տեղափոխումը, քան թե հայկական կողմին օգնելը:

Լ. Նազարյանցի և Լ. Տրոցկու միջև ձևավորված լավ հարաբերությունները իրենց դրական դերն ունեցան նաև 1918թ. մարտի վերջերին Թիֆլիսից Մոսկվա ժամանած հայկական պատվիրակության հետ հարաբերությունների հաստատման ընթացքում: Թիֆլիսի Հայոց Ազգային խորհուրդը 1918թ. գարնանը Բեռլին է գործուղում մի պատվիրակություն, որի նպատակն էր գերմանական կողմի հետ բանակցություններ վարելով՝ ստանալ վերջինիս օժանդակությունը հայկական տարածքների հետագա ճակատագրի շուրջ ծավալվող գործընթացում: Պատվիրակության կազմի մեջ մտնում էին դաշնակցականներ Արշակ Ջամալյանը, Լիպարիտ Նազարյանը և կաղետ Գևորգ Մելիք-Ղարազոյանը: [10] Վերջիններս Մոսկվա են ուղևորվում սահմանը անցնելու հետ կապված փաստաթղթային խնդիրները լուծելու համար: Մոսկվայում այս պատվիրակության ծավալած գործունեության մասին են վկայում արխիվային երկու նյութ: Դրանցից մեկը հուշերի ձեռագիր նոթատետր է՝ գրված Գ. Մելիք-Ղարազոյանի կողմից, որտեղ հեղինակը մոսկովյան օրերի մասին ընդամենը մի քանի էջով բուռցիկ անդրադարձ է կատարել:[11] Մյուս նյութը Արշակ Ջամալյանի՝ 1918թ. մարտի 28-ին Ավետիք Շահխաթունյանին ուղարկած նամակն է, որտեղ ավելի հստակ է ներկայացված մոսկովյան հանդիպումների բովանդակությունը:[12] Գ. Մելիք-Ղարազոյանը նշում է, որ Մոսկվայում եղած առաջին օրերին ինքը հանդիպումներ է ունեցել տեղի կաղետական ներկայացուցիչների հետ, իսկ այնուհետև ավելացնում, որ Բեռլին մեկնելու հարցում նրան մեծապես օգնություն են ցուցաբերել Տրոցկին և Կարախանը: [13] Նա նաև նշում է, որ խմբագրելու համար իրենց է հանձնվել 1918թ. մարտի 31-ին /ապրիլի 13-ին/ Ռուսաստանի արտաքին գործերի ժողովմատի կողմից պատրաստված հուշագիրը՝ ուղղված գերմանական իշխանություններին: [14] Իր



հերքին Ա. Ջամայանը գրում է, որ Թերզիբաշյանի հետ միասին Տրոցկու և Կարախանի հետ հանդիպումների ժամանակ Գերմանիա մեկնելու հարցում կարողանում են ստանալ բոլշևիկյան կողմի աջակցությունը: [15] Վերը նշվածից, սակայն, տպավորություն է ստեղծվում, որ թե՛ Գ. Մելիք-Ղարազյոզյանը, թե՛ Արշակ Ջամայանը առանձին-առանձին են հանդիպել բոլշևիկ պաշտոնյաների հետ, քանի որ բոլշևիկների հետ հանդիպման մանրամասները ներկայացնելիս՝ նրանցից ոչ մեկը մյուսի անունը չի հիշատակում: Այն հանգամանքը, որ Ջամայանը մի քանի օր ավելի շուտ էր Մոսկվա ճանապարհ ընկել, քան Մելիք-Ղարազյոզյանը, և այն, որ Ջամայանի հետ գրույցի ընթացքում Տրոցկին և Կարախանը տեղյակ էլ չէին հայ պատվիրակի Բեռլին մեկնելու նպատակի մասին, թույլ է տալիս եզրակացնել, որ Մելիք-Ղարազյոզյանը Մոսկվա է հասել այն ժամանակ, երբ Բեռլին մեկնելու խնդիրը արդեն դրական լուծում էր ստացել: Դրանով է, հավանաբար, բացատրվում նաև այն, որ Մելիք-Ղարազյոզյանը Ջամայանի նման մանրամասնորեն չի ներկայացնում բոլշևիկ պաշտոնյաների հետ հանդիպումները, այլ ընդամենը նշում է, որ նրանք նպաստել են հայ պատվիրակների Բեռլին մեկնելու գործին: Ինչևհետ, ելնելով այս երկու հայ պատվիրակների հիշատակություններից, կարծում ենք, որ նրանց առաջ բոլշևիկյան ղեկավարության հետ բանակցելու խնդիր ի սկզբանե դրված չի եղել, այլ հակառակը՝ Ա. Ջամայանը դիտմամբ չի ասել Տրոցկու և Կարախանին Բեռլին մեկնելու իրենց բուն նպատակի մասին, որպեսզի նախ պարզի վերջիններիս դիրքորոշումը Հայկական հարցի վերաբերյալ և ապա գրույցը այնպես է տարել՝ ասես հայ պատվիրակների Բեռլին մեկնելը բոլշևիկյան կողմի նախաձեռնությունն է, որի դեպքում միայն հնարավոր է եղել դյուրացնել Բեռլին մեկնելը: Չնայած հայկական այս պատվիրակությունը բաղկացած չէր գուտ դաշնակցականներից, այնուամենայնիվ, Գաշնակցության ներկայացուցչի շնորհիվ հնարավոր է լինում դրական լուծում տալ այդ հարցին: Այն-հայտ էր, որ բոլշևիկ պաշտոնյաներին ոչ այնքան հուզում էր հայության ճակատագիրը, որքան այն հանգամանքը, որ հայկական պատվիրակությունը հարմար խոսնակ էր Գերմանիայում՝ և ընդհանրապես Եվրոպայի առաջատար երկրներում, բոլշևիկների համար այնքան անշահավետ Բրեստ-Լիտովսկի հաշտության պայմանագրի դեմ բողոքը ևս մեկ անգամ բարձրաձայնելու հարցում: Ինչպես Լ. Նազարյանցի ու Տրոցկու միջև ընթացած բանակցությունների դեպքում, այստեղ ևս ակնհայտ էր, որ թե՛ բոլշևիկյան, թե՛ դաշնակցական գործիչները հավատարիմ էին մնում Անդրկովկասում իրենց քաղաքական ուժերի միջև ձևավորված փոխշահավետության սկզբունքներին: Բոլշևիկների դրական վերաբերմունքը թելադրված էր նաև նրանով, որ Գաշնակցությունը Անդրկովկասում՝ մասնավորապես Բաքվում, շարունակում էր աջակցել բոլշևիկյան ուժերին:

1918թ. ապրիլի վերջին Բաքվի Հայոց Ազգային խորհուրդը Մոսկվա է գործուղում դաշնակցականներ Ռուբեն Դարբինյանին /Արտաշես Չլիինգարյան/ և Սիմոն Հակոբյանին: [16] Հայ պատվիրակները արդեն մայիսի կեսերին հասնում են Մոսկվա, որտեղ նրանց սկզբից միանում է Հ. Չավրիկը /մայիսի 27-ին/ [17] իսկ որոշ ժամանակ անց /նոտ հունիսի երկրորդ կեսին/ Բեռլինից վերադարձած Լ. Նազարյանը: Նրանց խնդիրը Մոսկվայից Բաքվի պաշտպանության համար հավելյալ օժանդակություն ստանալն էր: Դեռ



նոր էին Մոսկվայում սկսվել խորհրդային իշխանության ներկայացուցիչների հետ բանակցությունները, երբ 1918թ. հունիսի 16-ին[18] խուզարկության են ենթարկվում Ռ. Դարբինյանը, Ս. Հակոբյանը և Հ. Չավրիկը[19], որից հետո նրանք գրեթե տնային կալանքի մեջ էին գտնվում: Ռ. Դարբինյանը խուզարկման նախաձեռնող է համարում Մոսկվայի մի խումբ հայ բոլշևիկների՝ Վ. Ավանեսովին, Պ. Մակինցյանին, Վ. Տերյանին, որոնք Հայկական կոմիսարիատում ղեկավար պաշտոններն էին զբաղեցնում:[20] Ընդհանրապես պետք է նշել, որ Մոսկվայի հայ բոլշևիկները, ի տարբերություն Բարսիլի հայ բոլշևիկների, ավելի վատ էին տրամադրված դաշնակցականների նկատմամբ: Հայ բոլշևիկների մասն անհանդուրժողական վերաբերմունքը, հավանաբար, պայմանավորված էր նրանով, որ դաշնակցականներին դիտում էին որպես իրենց անմիջական հակառակորդների: Խուզարկությունից առաջ՝ հունիսի սկզբին, հայ պատվիրակների նախաձեռնությամբ Մոսկվայում հիմնվում է Քաղաքական խորհուրդ անունով մի կառույց: Դրա նպատակն էր համախմբել Մոսկվայի հայ կարող ուժերին՝ հայությանը ցուցաբերվելիք օգնությունը արդյունավետ կազմակերպելու համար: [21] Խոսելով Քաղաքական խորհրդի անդամիկ նիստի մասին՝ Ռ. Դարբինյանը գրում է. «Որոշուեցաւ, որ բժ. Չաւերանն եւ եւ փորձէինք յարաբերութիւններ մշակել Գերմանիոյ եւ Պուլկարիոյ դեսպաններուն հետ, որոնք այն ատեն կը գտնուէին Մոսկուա, իսկ Սիմ. Յակոբեանը կապեր պիտի պահէր բոլշեիկներու եւ մասնատրապէս Կարախանի հետ...

Կարախանը սկիզբները չափազանց սիրալիւ էր Սիմ. Յակոբեանի հետ եւ շատ քաջալերական բաներ էր ըսած անոր»:[22] 1918թ. հունիսի 16-ին Չեկայի քննիչների կողմից բռնագրավված Հ. Չավրիկի նամակներից մեկում խոսվում է Սևունյան կեղծանվան տակ հանդես եկող մի բոլշևիկի մասին, որը խորհրդահայ պատմագրության մեջ եղած կարծիքի համաձայն՝ Բ. Ստալինն է կամ Լ. Տրոցկին: [23] Մեր կարծիքով, չի բացառվում, որ այդ անձը Լ. Կարախանը եղած լինէր: Այս տեսակետի վերաբերյալ դատողությունները կանենք ստորև: Սևունյանի հետ վարած բանակցության մասին Հ. Չավրիկը գրում է, որ իրենք Սիմոն Հակոբյանի միջոցով բավականին բարեկամական հարաբերություններ են հաստատել Սևունյանի հետ և վերջինիս հավաստիացնելով հայկական կողմի «բոլշևիկամետ» դիրքորոշման մեջ՝ խնդրել են աջակցել խորհրդային կառավարության օժանդակությունը ստանալու հարցում:[24] Սևունյանը չնայած խոստանում է աջակցել, սակայն ավելացնում է, որ ինքը շատ հարցներում պետք է խորհրդակցի քննիչների հետ, որոնք էլ վերջնական որոշում պետք է կայացնեն:[25] Տրամաբանորեն, կարծես թե, Սևունյան կեղծանվան տակ ներկայացված անձը Ստալինը կամ Տրոցկին պետք է որ լինեին, սակայն որոշ հանգամանքներ այլ բան են մատնանշում: Նախ թե՛ Ռ. Դարբինյանը, թե՛ Հ. Չավրիկը նշում են, որ Ս. Հակոբյանը[26] բոլշևիկներից շատ ավելի մտերիմ էր Լ. Կարախանի հետ: Տրոցկու հետ էլ բավականին լավ հարաբերություններ ուներ Լ. Նազարյանը, ինչի մասին փաստում է նաև Ռ. Դարբինյանը:[27] Ստացվում է, որ եթե հայ պատվիրակները Ս. Հակոբյանի միջոցով են ծանոթացել Սևունյանի հետ, ապա պետք է որ դա Լ. Կարախանը լինէր: Դրա օգտին է խոսում նաև հաջորդ հանգամանքը: Հ. Չավրիկի նամակների վերաբերյալ զեկույցում, որը պատրաստվել էր Չեկայի աշխատակիցների կողմից, ուղղակի նշվում է, որ այն մարդը՝ այսինքն Սևունյանը, որը խոստացել է



դաշնակցականների նկատմամբ բոլշևիկների սկսած հալածանքներին վերջ տալու համար քայլեր ձեռնարկել՝ Արտաքին գործերի կոմիսարիատի ներկայացուցիչ է:[28] Իսկ նման պաշտոն նշված բոլշևիկներից միայն Լ. Կարախանն էր զբաղեցնում: Եվ վերջում, Սևունյան կեղծանունը ավելի շատ նման է հենց հայազգի բոլշևիկի ազգանվանը՝ Կարախան: Նշենք նաև, որ այս բանակցությունը ուղղակի ծանուցողական բնույթ էր կրում, քանի որ Սևունյանը ընդգծում էր, թե հարցի լուծումը կարող են տալ միայն իր ընկերները: Կողմերը պայմանավորվում են հանդիպել հուլիսի 1-ին: Չնայած նշված օրը հանդիպում չի կայանում, այնուամենայնիվ, Դաշնակցության ներկայացուցիչները շարունակում են բոլշևիկ դեկավարների հետ շփման եզրեր հաստատելու փորձեր կատարել: Հայ պատվիրակները, երբ նկատում են, որ Մոսկվայի Հայկական կոմիսարիատի ջանքերի շնորհիվ Կարախանը վերապահորեն է մոտենում իրենց հետ քննարկված հարցերին, որոշում են դիմել Լ. Տրոցկուն, որպեսզի վերջինս նախատեսված հանդիպումը կազմակերպի:[29] Սակայն Լ. Նազարյանցին հասցեագրված նամակում Լ. Տրոցկին «խոստովանում» է, որ հանդիպման ձախողման հիմնական մեղավորները հայ բոլշևիկներն են և ինքը ոչինչ անել չի կարող:[30] 1918թ. օգոստոսի 27-ին, շնորհիվ բոլշևիկ Մահակ Տեր-Գաբրիելյանի, մի նոր հանդիպում է նշանակվում երկու կողմերի՝ նախօրոք կազմավորված պատվիրակությունների միջև, որը ևս ձախողվում է նույն սցենարով: Համաձայնության սեղանի շուրջ նստելու հույսը հաստատապես մարում է, երբ հայտնի է դառնում, որ Ստ. Շահումյանն ու մի խումբ բոլշևիկներ ձերբակալվել են: Քանի որ սկզբնական շրջանում այդ տեղեկությունները կցկտոր էին և հայտնի չէր, թե ովքեր են ձերբակալողները, բոլշևիկյան կառավարության հրահանգով 1918թ. օգոստոսի 29-ին ձերբակալում են Հ. Չավրիսին ու Լ. Նազարյանցին: Նախատեսվում էր նրանց փոխանակել Ստ. Շահումյանի և մնացած ձերբակալված բոլշևիկների հետ[31], սակայն երբ մի քանի ամիս հետո հայտնի է դառնում, որ Դաշնակցությունը բոլշևիկների ձերբակալության հեղինակը չէ, վերջ նշված երկու դաշնակցականներին ազատ են արձակում: [32]

Մոսկովյան բանակցություններին գրեթե զուգահեռ / 1918թ. հունիսի սկզբից -նոյեմբերի սկիզբ/ Բեռլինում հայկական պատվիրակության /Համազասպ Օհանջանյան և Արշակ Չուրաբյան/ ու Խորհրդային Ռուսաստանի ներկայացուցիչ Արոլֆ Իռֆֆեի միջև ևս բանակցություններ էին ընթանում: Դրանց ընթացքում հայկական պատվիրակությունը՝ մասնավորապես դաշնակցական Հ. Օհանջանյանը, հիմնականում դնում էր ՀՀ անկախության ճանաչման խնդիրը: Ա. Իռֆֆեից տեղեկանալով, որ Գերմանիայի և Խորհրդային Ռուսաստանի միջև նախատեսվում է Բրեստ-Լիտովսկի հաշտության պայմանագրին կից հավելյալ պայմանագիր ստորագրել, հայ պատվիրակները ակտիվորեն սկսում են բանակցել վերջինիս հետ ՀՀ անկախության ճանաչման հարցի վերաբերյալ: 1918թ. օգոստոսի 6-ին[33] /Արշակ Չուրաբյանի կողմից/, 10-ին [34], 19-ին [35], 27-ին [36] /Համո Օհանջանյանի կողմից/ Կ.Պոլիս հղած նամակ-գեկույցներում նշվում է, որ Ա. Իռֆֆեի հետ բանակցություններում բարձրացվել է Խորհրդային Ռուսաստանի կողմից Հայաստանի Հանրապետության անկախության ճանաչման հարցը, որի վերաբերյալ բոլշևիկ դիվանագետը խոստացել է հաղորդել Մոսկվա: Պետք է նշել, որ Ա. Իռֆֆեի կողմից, դատելով մեր ձեռքի տակ եղած նյութերից, հայ պատվիրակների հետ բանակցությունների



ընթացքում արված մի շարք մեկնաբանություններ և քայլեր անձնական բնույթ են կրել: Այսպես, 1918թ. սեպտեմբերի 13-ին Հ. Օհանջանյանի գրած նամակից տեղեկանում ենք, որ երբ նա Վիեննայում Ավստրո-Հունգարիայի արտաքին գործերի նախարարի օգնականներից մեկի՝ կոմս Ամբրոզիի հետ հանդիպման ժամանակ հայտնում է, որ Ա. Իռֆֆեի պնդմամբ Խորհրդային Ռուսաստանը ամենայն հավանականությամբ կճանաչի ՀՀ անկախությունը, կոմսը պատասխանում է. «...դա կարող է Յոֆֆեի անձնական կարծիքը լինել...»: [37] Մեկ այլ դեպքում էլ Ա. Իռֆֆեն, գաղտնիությունը պահպանելու պայմանով, արտագրելու համար Հ. Օհանջանյանին է հանձնում 1918թ. օգոստոսի 27-ին Գերմանիայի և Խորհրդային Ռուսաստանի միջև կնքված հավելյալ պայմանագիրը, այդ թվում նաև՝ պայամանգրին կից ստորագրված գաղտնի համաձայնագրի կետերի վերաբերյալ տվյալները: [38] Ա. Իռֆֆեն ավելի հեռում է գնում և 1918թ. օգոստոսի 9-ին Թուրքիայի պատվիրակի հետ հանդիպելուց հետո Հ. Օհանջանյանի հետ կրկին քննարկում է Կ. Պոլսում Խորհրդային Ռուսաստանի դեսպանի թեկնածության հարցը՝ առաջարկելով այդ պաշտոնում Ռոստոմի թեկնածությունը: [39] Մինչև հայկական կողմը մտածում էր Ա. Իռֆֆեի առաջարկի վերաբերյալ՝ Մոսկվայում որոշում են Կ. Պոլսում Խորհրդային Ռուսաստանի դեսպան նշանակել ազգությամբ ռուսինացի սոցիալիստ Ռակովսկուն: [40] Կարծում ենք, որ Ա. Իռֆֆեն այն բուլշևիկ քաղաքական գործիչներից էր, որը լավ էր հասկանում, թե ինչքան շահավետ կլինի Խորհրդային Ռուսաստանի համար այդ փուլում Դաշնակցության հետ բարիդրացիական հարաբերություններ հաստատելը: Ուստի, պատահական չէ նաև այն, որ հետագայում էլ՝ մասնավորապես 1921թ. հուլիսի 8-ից մինչև հուլիսի 14-ը, Ռիգայում Դաշնակցության և Խորհրդային Ռուսաստանի ներկայացուցիչների միջև կայացած բանակցություններում Ա. Իռֆֆեն ոչ միայն աչքի է ընկնում բանակցությունների նկատմամբ դրական տրամադրվածությամբ, այլ նույնիսկ գլխավորում է Խորհրդային պատվիրակությունը: [41] Չնայած 1918թ. սեպտեմբերի 5-ին Հ. Օհանջանյանը իր գրած նամակում հավաստիացնում էր, որ Ա. Իռֆֆեն ընդունում է ՀՀ անկախությունը որպես տեղի ունեցած փաստ, [42] այնուամենայնիվ, հետզհետե այդ կարծիքը սկսում է կերպարանափոխվել: Արդեն 1918թ. սեպտեմբերի 19-ին գրած նամակում Հ. Օհանջանյանը հարողորդում է, որ Իռֆֆեն, Բաքվի հայտնի դեպքերի ազդեցության տակ և դրան հաջորդած Մոսկվայի հրահանգներից հետո, կարծիք է հայտնել, որ Հայաստանին եթե նույնիսկ տրվի էլ անկախության իրավունք, ապա ժամանակավորապես: [43] Իսկ արդեն 1918թ. հոկտեմբերի 1-ին գրած նամակում Հ. Օհանջանյանը վրդովված տեղեկացնում է, որ Իռֆֆեն ընդհանրապես չի ցանկանում Հայաստանի անկախության մասին որևէ բան լսել: [44] Բեռլինում Ա. Իռֆֆեի և հայ պատվիրակների միջև ընթացած բանակցությունները ևս հաջողությամբ չեն ավարտվում: Մակայն, եթե Մոսկվայի բանակցություններում անհաջողության հիմնական պատճառները տեղի հայ բուլշևիկների վարած հակադաշնակցական քաղաքականությունն ու Բաքվից եկած լուրերն էին, ապա բեռլինյան բանակցություններում դրան գումարվում են նաև Մոսկվայի և Բեռլինի հայ պատվիրակությունների անհամաձայնեցված գործունեությունը, ՀՀ արտաքին գործերի նախարարության կողմից հայկական պատվիրակությունների պահանջները մեկ հիմնական պահանջի չվերածելու բացթողումը և միևնույն պատվիրակության անդամ-



ներ Արշակ Չորաբյանի /տղիալ-դեմոկրատ, ինտերնացիոնալիստ[45] /ու դաշնակցական Համո Օհանջանյանի միջև ՀՀ անկախության հարցի շուրջ եղած տարածայնությունները: Այս բացթողումների մասին է վկայում նաև Հ. Օհանջանյանը:[46]

Ինչևիցե, Անդրկովկասում 1918թ. Դաշնակցության և բոլշևիկների միջև հարաբերությունները և դրան դրական ընթացք տալուն ուղղված մոսկովյան և քեռլինյան բանակցությունները Դաշնակցության համար սպասված արդյունքը չունեցան, քանի որ գոտ փոխադարձ շահի համար իրար հետ համագործակցող կողմերի միջև սկսվում է շահերի հակադրման մի շրջան, որից հետո բոլշևիկյան կողմը կտրուկ փոխում է իր քաղաքականությունը՝ ի վնաս Դաշնակցության:

## ԾԱՆՈԹԱԳՐՈՒԹՅՈՒՆ

1. Մանրամասն տե՛ս Լ. Նազարեանց, Հայ յեղափոխական դաշնակցութեան եւ Խորհրդային իշխանութեան միջեւ համաձայնութեան փորձեր, «Դրօշակ» ամսագիր, N 8-9, Փարիզ, օգոստոս-սեպտեմբեր, 1928, էջ 231:
2. Նույն տեղում, էջ 232:
3. Լ. Նազարեանց, Հայ յեղափոխական ..., «Դրօշակ» ամսագիր, N 8-9, Փարիզ, օգոստոս-սեպտեմբեր, 1928, էջ 232:
4. Տե՛ս նույն տեղում:
5. Տե՛ս Ս. Վրացեան, Մեղադրանքներ եւ իրողութիւններ, «Դրօշակ» ամսագիր, N 2, Փարիզ, օգոստոս, 1925, էջ 36:
6. Լ. Նազարեանց, Հայ յեղափոխական ..., «Դրօշակ» ամսագիր, N 8-9, Փարիզ, օգոստոս-սեպտեմբեր, 1928, էջ 232:
7. Տե՛ս ՀԱԱ ֆ. 200, ց. 1, գ. 28, ք. 5:
8. Տե՛ս Թ. Шамбаров, Белогвардейщина, Москва, 2002, с. 114 - <http://www.militera.lib.ru/research/shambarov1/02.html>
9. Տե՛ս В. Шамбаров, Белогвардейщина..., с.114- <http://www.militera.lib.ru/research/shambarov1/02.html>
10. Ա. Ջամալյանը և Գ. Մելիք-Ղարաբյոզյանը Թիֆլիսից Մոսկվա են ուղևորվում համապատասխանաբար 1918թ. փետրվարի 27-ին և մարտի 1-ին, իսկ Լ. Նազարյանցը նրանց արդեն տեղում է միանում- տե՛ս ՀԱԱ ֆ. 200, ց. 1, գ. 28, ք. 4-5:
11. Տե՛ս ՀԱԱ ֆ. 502, ց. 1, գ. 3, ք. 3-5; առկա է նաև նոթատետրի բովանդակություն բաժինը՝ համառոտ վերլուծականով - ՀԱԱ ֆ.222, ց.1, գ.132, ք.1-3:
12. Տե՛ս ՀԱԱ ֆ. 222, ց. 1, գ. 130, ք. 1-3:
13. Տե՛ս ՀԱԱ ֆ. 502, ց. 1, գ. 3, ք. 2-5:
14. Տե՛ս ՀԱԱ ֆ. 222, ց. 1, գ. 132, ք. 1:
15. Մանրամասն տե՛ս ՀԱԱ ֆ. 222, ց. 1, գ. 130, ք. 1-2:
16. Ռ. Դարբինեան, Փոթորիկի օրերուն, «Հայրենիք» ամսագիր, ԻՉ. տարի, քիւ 1/264/, Պոսթրն, յունուար, 1948, էջ 23; նաև Ս. Վրացեան, Մեղադրանքներ եւ ..., «Դրօշակ» ամսագիր, N 2, Փարիզ, օգոստոս, 1925, էջ 36:
17. Տե՛ս ՀԱԱ մասնաճյուղ N 2 ֆ. 1457, ց. 1, գ. 128, ք. 4:

18. Տե՛ս նույն տեղում, ք. 1:
19. Տե՛ս Ռ. Դարբինեան, Փոթորիկի ... «Հայրենիք» ամսագիր, ԻԶ. տարի, քիւ 1/264/, Պոսքըն, յունուար, 1948, էջ 26-28:
20. Տե՛ս նույն տեղում, էջ 26-27:
21. Տե՛ս Ռ. Դարբինեան, Փոթորիկի ... «Հայրենիք» ամսագիր, ԻԶ. տարի, քիւ 1/264/, Պոսքըն, յունուար, 1948, էջ 28-29:
22. Նույն տեղում, էջ 29:
23. Տե՛ս Լ. Խորշուրյան, Սովետական Ռուսաստանը և Հայկական հարցը, Երևան, 1977, էջ 177:
24. Տե՛ս ՀԱԱ մասնաճյուղ N 2 ֆ. 1457, ց. 1, գ. 128, ք. 6-7:
25. Տե՛ս նույն տեղում, ք. 7:
26. Համաձայն Ռ. Դարբինյանի հուշերի՝ Ս. Հակոբյանը 1918թ. հունիսին բոլշևիկների կողմից իրենց նկատմամբ կիրառած «սահաբեկումներից» հետո բոլշևիկամետ կողմնորոշում էր որդեգրել և շատ հաճախ Դաշնակ-ցության դիրքերին հակառակ էր հանդես գալիս - տե՛ս Ռ. Դարբինեան, Փոթորիկի ... «Հայրենիք» ամսագիր, ԻԶ. տարի, քիւ 2/265/, Պոսքըն, փետրուար, 1948, էջ 30-32:
27. Տե՛ս Ռ. Դարբինեան, Փոթորիկի ... «Հայրենիք» ամսագիր, ԻԶ. տարի, քիւ 1/264/, Պոսքըն, յունուար, 1948, էջ 30:
28. Տե՛ս ՀԱԱ մասնաճյուղ N 2 ֆ. 1457, ց. 1, գ. 128, ք. 8:
29. Մանրամասն տե՛ս Ռ. Դարբինեան, Փոթորիկի ... «Հայրենիք» ամսագիր, ԻԶ. տարի, քիւ 1/264/, Պոսքըն, յունուար, 1948, էջ 30:
30. Մանրամասն տե՛ս Լ. Նազարեանց, Հայ յեղափոխական ... «Գրօշակ» ամսագիր, N 8-9, Փարիզ, օգոստոս-սեպտեմբեր, 1928, էջ 233:
31. Տե՛ս ՀԱԱ ֆ. 200, ց. 1, գ. 141, ք. 12:
32. Տե՛ս Լ. Նազարեանց, Հայ յեղափոխական ... «Գրօշակ» ամսագիր, N 8-9, Փարիզ, օգոստոս-սեպտեմբեր, 1928, էջ 233:
33. Տե՛ս ՀԱԱ ֆ. 200, ց. 2, գ. 10, ք. 1:
34. Տե՛ս նույն տեղում, ք. 21:
35. Տե՛ս ՀԱԱ ֆ. 222, ց. 1, գ. 135, ք. 2:
36. Տե՛ս ՀԱԱ ֆ. 200, ց. 2, գ. 10, ք. 7:
37. ՀԱԱ ֆ. 200, ց. 2, գ. 11, ք. 15:
38. Տե՛ս ՀԱԱ ֆ. 200, ց. 2, գ. 11, ք. 17-18:
39. Մանրամասն տե՛ս ՀԱԱ ֆ. 200, ց. 2, գ. 10, ք. 22:
40. Տե՛ս ՀԱԱ ֆ. 200, ց. 2, գ. 11, ք. 8:
41. Տե՛ս Ռ. Փիրումեան, Հայաստանը Հ.Յ.Դ.-բոլշևիկ յարաբերութիւնների ոլորտում /1917-1921/, Երեւան, 1997, էջ 368-369:
42. Տե՛ս ՀԱԱ ֆ. 200, ց. 2, գ. 11, ք. 7-8:
43. Մանրամասն տե՛ս նույն տեղում, ք. 56:
44. Մանրամասն տե՛ս ՀԱԱ ֆ. 200, ց. 2, գ. 11, ք. 73:
45. Տե՛ս ՀԱԱ ֆ. 222, ց. 1, գ. 132, ք. 3:
46. Տե՛ս ՀԱԱ ֆ. 200, ց. 2, գ. 11, ք. 15:



## РЕЗЮМЕ

Дипломатические „поиски” между партией Дашнакцунцон и большевиками в 1918 г.

М. Оганнисян

- В этой статье на основе уже известных и новых источников делается попытка представить полную историю темы „Дипломатические „поиски” между партией Дашнакцунцон и большевиками в 1918 г.”. Анализируя источники и исследования, касающиеся этой проблемы, автор доказывает необходимость этих переговоров и раскрывает истинные причины их провала.

## SUMMARY

Diplomatic "Quests" between Dashnaktsytyun Party and Bolsheviks in 1918

M. Hovhannisyan

In this article an attempt is made to present a complete history of the diplomatic "quests" between the Dashnaktsytyun Party and the bolsheviks in 1918 on the basis of well - known and new sources. The analysis research regarding the issue, the necessity of these negotiations and the real causes of their failure are revealed.